

شط العواصف

الورقة بيضه..

والناس بتصب عليها حبرها الأسود..

وإحساسك أبيض..

كما البفته..

بيدلك ع الصبح..

وبحكم فضولنا والتجربة..

بيقتل فينا الورد!

لجل مانتحول شكاكين..

بنحاف م الي حولينا..

بنخاف إننا نجازف..

أو نبدأ بالود..

يمكن متحيش..

فمتمتع م القرب..

مش لما حبينا

وفتحنا روحنا..

لجل يدخلها النسيم..

دخلها التراب..

سدها سد.

فبقينا نخاف..

المد لو مد ايده.. يسرق

فيشدنا جوه بحوره..

ونغرق!

طول ما احنا ع الشط

روحنا بتغني..

ولو كان الموج عالي!

هتتبل أطرافنا..

لكن جوانا عمره ما ينطفي.